

Svar på høyring om tilleggsframlegg til ny lokal forskrift om minsterareal for hjort.

Det går fram av høyringa at Nordangervågen skal verta ei eiga arealsone for hjorteforvaltning. Dette er for å ta ut meir dyr i området. Det er mange utfordringar knytt til dette.

- Ein har ikkje lagt fram noko fagleg grunnlag for avgjerda.
- Det er ikkje tatt stilling til andre tiltak som kan gjerast for å oppnå same mål(viltgjerde, andre grasartar mm)
- Ei slik ordning er ikkje rettvis med tanke på alle grunneigarane i nærleiken som ikkje er med i den nemnde arealsone.
- Arealsona er veldig liten i forvaltningssamanheng, og går i mot absolutt alt av viltforvaltning dei siste 20 åra. Både teori og praksis.
- Hjorten vandrar over store avstandar og det vil ikkje vere eit godt tiltak med eit så lite område med skyhøgt uttak av dyr.
- Alver kommune har dei to siste åra gått voldsomt ned på minstearealet på hjort. Nokre stader over 70% auke i tildeling av dyr. Ein har også tatt tannsnittsregistrering for å fastlå mykje betre kva samansetning av kjønn og aldersgrupper ein har i stamma for å gjera eit målretta uttak av riktige dyr. Ein har også overvåka med drone med varmesøkande kamera i Nordangervågen. Desse tiltaka har er det umogeleg å sjå resultat av på så kort tid, og dette er eit vedtak gjort i blinde på ikkje-eksisterande faglig grunnlag.
- Dersom det vert laga ei eigen arealsone i Nordangervågen, vil dette skapa ein presedens for at kven som helst andre i Alver kommune kan søkja om det same. Då vil ikkje kommunen kunne seia nei, all den tid ein ikkje har eit godt fagleg grunnlag for avgjerda. Då går forvaltninga heilt i oppløysing.
- Denne saka har eit sterkt preg av å bli pressa gjennom no, for å få det i kraft allereie til hausten. Dette vedtaket er ikkje ferdig diskutert, og bør soleis ikkje hastebehandlast, men i alle fall utsetjast. Om ikkje bør det vurderast andre måtar enn å opprette ei eiga arealsone. Det vil vera eineståande i Norge med ei så lita arealsone, og det er ikkje med positivt fortegn.

Valdleiar Vike vald

Torgeir Andvik